



Ёхан
мув
хантэт
элты
айкел

4»

Хор: Владимир Ёнов

Аңкием — сама мосты хоятыем!



ГОД ГЕРОЕВ
НА ЯМАЛЕ
2025

Хор: @OlegNikolaevichPopov

Там лапатан мув ловатан Аңкет емаң хатд постада. Кашң хоят лувел сэма пайтам хоятад шеңк ванан тайдалды. Яма па атма питама вералд иса туп ван хоятад пилан ортылдыды. Аңкен ки ванан антом: самен вохда, элэн потда, улапсаен иволты шука йил.

Кашң вошан, кашң куртан аңкет элты мет волаң Аңкет улдат. Тата муң Ирина Константиновна Питласова элты ханшлуд. Лув Лорвошан ул. Аратад миран шеңк яма уйтла. Там тэпаң аңкие юрал, щэмад ийикел пилан

яң няврэма масқан. Лын уйтты верлана, туслана няврэмлад иса уталталдан, алидылдан.

Ирина Питласова эвилад ён-тасты, сак каратты, аратад нэ рупата верты уталталды. Похел ащела нётал, вой па хул велпаслаты яңхал. Хоты мосал хоттэл хоятата улты, щит элты Ирина Константиновна каматса ясаң ястас: «Мет волаң вер, лудан, наң няврэмдан тумтака па ойңа ат усат. Кашң няврэм лув ёра вер улапсаялдан ат уйтас, па еллы щуняңа ат улмитас. Ма лаңхалайм, лудан, няврэмдам кутладан яма ат

усат, нётсат. Щишан ма лувилал самаңа тайдалдам, лув элтаел иса нумаслам, лувилала нётдам. Ванты, хоты сахат муң лув пилладан улты питлуд, щиты лув улапсаел еллы тулэл.

Кашң аңки няврэмал тумтака ат ул. Ин лялясты хара манам похат ёхи ат ёхатлат. Турмев сыстам, улапсаев ротая ат маналд.

Кашң Аңкия там емаң хатадан муң мойлапса ясаң китлуд. Ойңа-пицаңа, йисаңа-нуптаңа, тумтак кур-тумтак ёш!

Аллина Тоярова ханшам потар

Дорогие жительницы Ямала!

Поздравляю вас с Международным женским днём!

Женщина – это олицетворение жизни, бесценный источник вдохновения и душевного тепла. Вы, словно сама природа Ямала, гармонично соединяете в себе, казалось бы, несовместимые качества: нежность и негибкую волю, красоту и внутреннюю силу, хрупкость и удивительную стойкость духа.

Ямал – территория, где создают крепкие семьи, поддерживают ценности здорового общества. И в этом огромная заслуга наших женщин – настоящих хранительниц домашнего очага и верных спутниц жизни. Гордимся, что в нашем регионе каждая третья семья – многодетная, а это значит, что у Ямала – прекрасное будущее!

Дорогие женщины! Искренне благодарю вас за неустанный труд и преданность нашему северному краю. Ваши успехи в самых разных сферах – от науки и образования до медицины и культуры – являются гордостью Ямала. Мы восхищаемся вашей многозадачностью и умением успешно совмещать профессиональные успехи с заботой о семье и близких. Ваши достижения – это вклад в процветание нашего региона!

От всей души желаю вам крепкого здоровья, личного счастья, благополучия и весеннего настроения!

Губернатор
Ямало-Ненецкого автономного округа
Д. А. Артюхов

Дорогие наши женщины!

От всего сердца поздравляю вас с Международным женским днём!

Матери, бабушки, сёстры, дочери – вы наполняете жизнь смыслом, приносите в мир радость и доброту, гармонию и красоту.

Сегодня невозможно представить ни одну сферу, где бы вы не проявляли себя ярко и талантливо. Вы покоряете науку и технологии, руководите предприятиями, создаёте шедевры искусства, воспитываете будущее поколение. Вы умеете вдохнуть жизнь в самые амбициозные проекты, тактично разрешаете конфликты и в то же время отстаиваете справедливость.

Нежные и сильные, мудрые и заботливые, вы заряжаете нас энергией и оптимизмом, являетесь источником жизни, вдохновения и великих дел. Мы искренне восхищаемся вашим обаянием, внутренним светом и умением создавать прекрасное. Спасибо вам за счастье быть рядом!

Пусть весна наполнит ваши сердца радостью и надеждой и каждый новый день дарит тепло и улыбки близких!

Председатель Законодательного Собрания
Ямало-Ненецкого автономного округа
С.М. Ямкин

Материнской капитал эвалд сохаптата питдайт

Ямал мув хаттэлат хой холам талды ант ювам няврэм тайл материнской капитал эвалд охна сохаптата питдайт. Топ сохаптаты ораңна прожиточной минимум хуват вантта питда.

«Прожиточной минимум луңатты ораңна масд амэл-ащел па ропытта питама няврэмлад катхощъёң тылац сыс доход хаттэл нэңху аратна артты. Луңатты охлад кат нэңху арат

прожиточной минимум тынны ки хайлат, щитна заявление мата рахал», – ЯНАО хуват ропытты Хон мув Социальной фонд отделение сайт хоца хансман ол.

Ямал хуват олты прожиточной минимум хуват луңатта питда, тампус щит – 24 480 солкува; ропытты нэңхэт – 26 480 солкува; пенсина олты – 20 893 солкува; няврэмат – 23 565 солкува.

Заявление ЯНАО Социальной фонд хоца мата рахал, Госуслуги портал хуват па МФЦ хоца.

Щи томпына ай кер тылац алаңмет хатд 2025-мет тал эвалд законодательство хоца йидап партапсы нэпек этас, материнской капитал щирл хат верты тахайна тайта рахал эскроу-счёт хоца понман.

Эскроу-счёт – щит нэ-

ман верам банковской счёт, сделка манты хуват хат тын лотты охат щита олта питдат. Щи счёт эвалд верам ропатайт ораңна охат айна-айна застройщик элты китта питдайт, нэңху хатд ки ант верда, охлад щита хыщдат, нэматтытна нох паитта ант веритдайт.

Вера Лонгортова
хансам потар

Мушаң няврэмат яммалтыты нэпекан мадайт

Округев хуват мушаң няврэмат сёрс молтас яммалтыты сертификатан масайт. Мийм охат округ леккар хотатан, хон мув доватан муш элты эсдащты тахаятан посатты верытдайт. Сертификат охад ветсот сёрс солкувая хойл.

Нётапса округеван 2014-мет тал элты рупитал, 1007 няврэм яммалтыты верытас. Симась нэпек шитты ураңан, лапат тал унты улты няврэм аңкидала-асидала «Госуслуги» портал хося па МФЦ хотан заявление нэпек лэсатты мосал.

Хасям талан сертификат нётапсайт ялпитсайт. Ин си охат аңкет-асет шитты верытлат, хой



Хор: doverie.yanao.ru

няврэмел сёма питты елпийн талаң тал округеван ус. Си елпи, вет тал улты мосас. Си-

мась нётапса кашаң няврэмел нийлхус тал унты вуйдыты верытал.

Там ванан си нэпека сот молтас леккар хося уйтантоп-сайт, социальной реабилита-цияйт, кат специалист пидан верты рупата па хольмаң педа йи муш хуват лечитты терапия доңалса.

Ямал мувеван инвалидат па па муш тайты няврэмат ураңан ун нётапса верда. Социальной хотатан яммалтыты верат мандат. Округ бюджет элты эсдам охат хуват дув сирэдан рупитты па НКО хося луңтасты хоятат няврэмата нётлат. Округеван па па вошатан «Ямине» нётты фонд хуват яммалтыты рахал.

Альбина Тырлина ханшам потар

Леккар хотат хут хатл рупитты питлат

Округ доватан улты леккар хотат там вуш элты хут хатл рупитты питлат. Щи вер кашаң хоята лэпал, ванты рупатайн удман, кум ант шитман, рахал щутщаты хатадан леккарат хоша яңхты.

Вошаң леккар хотат 20:00 щёс унты рупитты питлат, куртаң леккар хотата 19:00 щёс унты яңхты рахал.

Кашаң тыдащ одаң лапат хутмет хатадан диспансеризация манты питал, худмет лапатан – военно-служажий хоятат вантдайт. Щи тумпийн, кашаң лапат, мушаң хоятат мушдал артадалайт.

Аллина Тоярова
ханшам потар

Каш лэщатты хоятат лаваддайт

Хашам тал курк тыдащан Хон мув куцаев Владимир Путин Федеральной Собрание педа потар тувмадан партапса верас, каш лэщатты хоятат ай куртата рупитты ёхатты ураңан, «Земский работник культуры» программа лэщатты.

Щи елпийн «Земский учитель», «Земский доктор» па «Земский

фельдшер» программат рупитты питсат. Там партапса рупатая вуты ураңан, ядап программа хуват ай куртатан каш лэщатты хоятат лаваддайт.

Маты хоятат рупатаел мет мосмаң па верты верэд яма уятлэд, Овс мувеван рупитты вуты елпийн, пирьдайт. Йи миллион солкувайн нётапса охан сохаптадайт. Охел ёша пайтты елпийн, куртан вет тал рупитты мосал.

Рупата верэд яма верты, каркам, потраң айлат ёх Ямал мувева вохты ураңан, округеван арсыр нётапсайт рупитлат. Ядап ашкудайт, леккар хотат, касты харат па каш альты хотат омасдайт. Хот сохапта-ты тыдащ охан мадайт. Рупатая мосты пормасат лутдайт.

Зоя Куртямова
ханшам потар

«Округ хоттэд» касапса елды манал



Хор: vk.com/popovolegshur

Ямал мув хуват «Округ хоттэд» касапсая ветьяң педа яртьяң хоттэд заявка-нэпек китас. Ноябрьск, Новый Уренгой вошан па Надымской район элты мет ар касты семья пилтасял. Кашаң си вош элты хут хоттэд касал.

Ай кер тыдась хасям хатл унты комиссия доңам хоятат кашаң яртьяң номинацияйн йи хоттэд туп пирьлат. «Касты хоттэд» хоятат элты мет ар нэпек китман ус. Там пуш «Куртаң хоттэд» ядап верам касапсайн кат хоттэд юращал.

Ас нопатты тыдасян нох питам хоттэлат ястадайт па округ куся катсот ветьяң сёрс солкува грант охан сохаптадайт. Хон мувеван манты касапсайн, округев вет номинацияйн пирьим хоятатан этадтада.

Альбина Тырлина ханшам потар



Хор: ЯНАО губернатор пресс-служба

Водаң Ляля постама маркайт эсадсайт

Хон мувеван Водаң Ляль емаң хатла письмаята па открыткаята хутты маркайт эсадсайт. Почта хося «Фауна России» Водаң Ляля нётам воята постама нял марка этас.

Дув кутэдан вулэң ухад танк, пулемёт элты эсадты нёдат тул, шукатам вошан карты юш пуңадан амп-сапёр дойл, пормас шавиты Эрмитаж хот пуңадан лэңкар мосятам кати омасад,



Хор: Альбина Тырлина

Берлин вош нох пайтам порайн, ухада кирам кат верблюд хоятат тулдан.

Водаң Ляль порайн вулэт ун нётапса версат. Вулэң ухадан лэготат, пормасат, мушаң хоятат тутдысат па ид питама

тохлаңхопат каншсат. Вулэт ант яңхты юшатан манти верытсат, мет ищки порайн кырыдысайт.

Письмая ханалты марка-нэпекиет лэсятты хоятат ясең элты: «Ляль манам порайн, Заполярье вулэң ёх-солтанат лялясты хар элты яң сёрс молтас мушаң хоят дылдал эталтасат. Мет водаң лялясты тахаята нийл сёрс кем лялясты ёх па лапатхосьяң сёрс тонна пормас, сот лапатъяң педа кат ид пайтам тохлаңхоп тусат».

Маркайт тумпийн, мет олаң этама письма понты хошапат лэсятсайт. Марка тынал 33 солкува, 360 сёрс нэпекие этал.

Мет олаң симась марка Тарко-Сале вошан вуды ёх емаң хатадан эталтыса. Ёхтыдыйм мойң хоятата мойдасайт.

Альбина Тырлина ханшам потар



Хор: Сергей Ульяновский

Дохан хатэмиты хоятат уйтантысат

Ай кер тыдась олаңмет хатадан Пулцават вошан дохан хатэмиты хуламсот молтас хоят «Лыжня России» касасайн уйтантысат. Каш ураңан хатэмиты па яма дохан хухатдыты няврэмат па ун хоятат кассат.

Си хатадан касты ёхтыдыйм ёх

туп кат дистанцияйн хухатдысат – 500 па 2025 метра. Касапсая хоятат талаң хоттэдатан ёхтыдысат. Округев хуват си касаспа курк тыдасян манылдыйс. Кашң вошан, куртан хоятат касты ёхтыдысат.

Си касасайн «Няргяна Нёрм» газетайн рупитты нэңдан – Анна

Яптик па Руфина Окоэтто похал пидан дохан хатэмиты яңхсат. Анна сит элты ясаң верас: «Ма ашкуда элты дохан хухатдыдам. Муй хорпи касасайт мандат, иса каслам. Си тумпийн, ашкудайн уталдымем порайн, ар хорпи олимпиадаята, фестивалыята, форумата яңхсам. Имотты порайн симась тахайн Губернатор грант ох – хус сёрс солкува шитсам. Си охатан Надым вошан дохан хатэмиты пормасат лутсам.

Пулцават вошан ма кимет тал симась касасая яңхсам. Там пуш 2025 метра хухалсам. Касты ёхтыдыйм кашң хоят дипломан, милан па значокан маса».

Пулцават вошан хулмет ашкудайн няврэмат уталтаты нэ Маргарита Кузьминична Степанова па си касасайн ус. Каматса ясаң ястас: «Ма кашң тал симась тахая касты яңхилдыдам. Ашкудайн уталдымем порайн, дохан хухатдысам. Там пуш ветсот метра хатэмисам. Си елпийн няврэмат па ун хоятат ит, вет, яң километра хухалты верытсат. Ма хутъяң молтас тада йисам. Ин тумтака улты ураңан, каш юкана, дохан яңхдам».

«Кубок Защитников Отечества» Ёмвошан манал

Ямал СВО хоща улам мохилув Ёмвоша «Кубок Защитников Отечества» нэмпи касты хара мандат. Там тыдащ 12-18-мет хатлатан хуламсот молтас хоят хутъяң регион элты щита актачал.

Ляль харан улам ёхлув дохан хатмидат, пошкан элты орытлат, следж-хоккейн ёнтлат, рэп элты дохан па щи кеша улты сохадан тарналтылат.

Муң дылдув сайлаты ёхлув куш мушмалтысат, туп ищипа юр па щём понман елды улдат. Дыпидал ищипа вещьката хащсат, елды номас понман лаңхаман касман яңхлат, ёвра юша ант пурмасат.

Тамац уйтантопсайт ляль харан улам ёхлува шеңк мослат. Дув щита духаслад пидан уйтантылат, ядап лухсат уйтлат. Щит элты нопсэд ям, мосмаңа тайлайт, ант ёрэмадайт.

Аллина Тоярова ханшам потар



Хор: vk.com/titovsky_al

Юрий Анатольевич Талигин кашң тал дохан хатэмиты касасайн касад.

Альбина Тырлина ханшам потар

Ёхан мув хантэт элты айкел

Ёхи хащам талн ван хатлап тылащ яргьянмет хаталн Ёмвошевн Экспоцентр нэмпи тахайн округев ловатгыйн улты хоятат ун куцайт пилн кашц пуш «Товары земли Югорской» тынасты-лутасты харат лэщатылат. Шци порайн ма ханты мир пормасаң вантопсаятан Пыть-Ях вош музей хотан рупитты нэңат пилн уйтантысам па лый элтайл арсыр айкелат иньщассам.

– Ма уйтлэм, хоты нын Пыть-Ях вошан йис пормасат шавиты хот онтасн тата хорамаң па умащ вантопса лэщатсаты, матты айкел, алпа, туты верытлаты?

– Ма опрац нэмең Зоя Лазаревна Жавко (эви щирн, Каюкова). Ин Пыть-Ях вошаң йис пормасат шавиты хотэв куца лаңкар нэңа улдам па рупитлам.

Мосал ястатыя, Пыть-Ях улты вошев ханты ясаң щирн «пытты ях», щит кураң вой пайтты таха, йис порайт элты шоши ёхлуван самаңа тайса. Юхат мув илши тащат каншты, руцат тый ёхатсат. Хантэт па хуващак елды пела касалсат.

Ин муң краеведческой музей хотэв «Феникс» нэмпи тахая лоңман ул. Щита арсыр киника луңатты хотат, хоятат щутщаты харат, военно-патриотической тахайт, ун куцаятан иса холдыева и таха щирн версайт. Муң йис пормасат шавиты хотэв там Пыть-Ях вошан 2001-мет талн велци пуншса. Щи-канща щи тал вуш элты ар щирн куцаятан верыдыса, юхатшак ищи па йис пормасат акатты хот щирада хащапгаса. Тамхатл муң краеведческой музей хотэван иса аратэлн 10 хатнэху ул па арсыр рупата верат лэщатал. Ин аршак вер верты питсув, ванта, муң вошев омсам па тыйм щират элты сыр-сыр айкелат оша пайтлув па щитат яха акатлув. Мув илши тащ каншты

руцат элты ищи ям ар тата ханшлув па музей хотэван лый таям пормаслад муйдал шавиман тайдаллув. Ма нумастэман, мет ар вер, пормас па айкел муң ищипа Ун Ёхан па Ай ёхан хантылув улты-холты, хул-вой велпаслаты верат элты ямсьева кашц тал сыс ияха акатлув па там музей хотэван лэщатлув. Шци



Хор: Владимир Енов

Зоя Лазаревна Жавко (Каюкова).



Ёхан мув ху ернас ош пун элты сэвам антпал пилан.

Ёхан мув ханты эви ернас па охшам.

(Елды па ул)

Владимир Енов ханшам потар



Пыть-Ях вош йис пормасат алыты хар.

Торн элты сэвам тахар.

тумпийн, Ёхан мув хантэт пилн и ясаң, и вера ёхатлув: лый хощаел улты па туса верантты ёхлад-нэңдал хушдув, лулан лый муңева мосты пормасат па луматты сохат иса ат версат па ёнтсат.

– Зоя Лазаревна, мата тахайн Ёхан муваң хантэт улдат, алпа, па ханты ёх иты, хул-вой велпасладат, муй па лый юканэла тайтыя вулдылад лавалман улдат?

– Ёхан муваң хантэт йис порайт элты Нефтеюганской районан холдыева улдат. Тухал ёхлад-нэңдал лый элтайл Сорханл районан Угут нэмпи вошелан улапса щирлад ямсьева лэщатсат. Тамхатл ар пелак щимащ хантэт Ун Ёханэл па Ай Ёханэл хуватгыйн омасты ай унт куртатан рут щиратан улдат. Лый ищи хул па вой велпасладат, щи ёхлув элты туп мортаң хоятат лув юкан вулэт тайлат. Щит щимащ рут хоятат: Каюковат, Ярсомоват, Купландееват, Курломкинат, Тайлаковат, Каймысоват, Сурломкинат, Бисаркинат, Нюгломкинат па па ёх.

Щирдал-пищдал савиман

Там лопасна ма нынан тус ясац па каркам ныц пушци лавалта дытдам, Светлана Рокина – Красноселькуп эвалт. Лув щита «Милосердие» центр ропытл, нэцхэт элты нятл. Мин лув пилэдна Надым васна калаңаң нэцхэт емаң хатлна уйтантысман. Холам тал педа манас хоты ийикел антамм ювмал, ертъяң няврем пилдна отца хыщас.

Нявремдал онттыды сус похална олат, каникул порайна курт педа касалдат. Ийикел дылаң олмал порайна щирл вер пунсылдыс – худ велты фермерской хозяйство, похлаң нэцхэт ораңна ропытты тахайт лэщатыйс. Лув пилэдна вул эвел дуң сус худ велман нятас, нэпекат лэщатас. Нэцхэт элты кон олтад ораңна, лув тут йиңк, дытыт тотлисат. Мала кемна веритсат, нятсат, топ лолан ат ропытсат. Итта мур орна олапсы сокки вантлэл, лэвасы ант йилат худ велта.

«Ма ертъяң нявремам, вет ма эвем, нид энмалта вусам. Мет вул эвем мули ропытл, кимет эвем Тарко-Сале васна ропата педа онттыйл, энмалта вуйм йикам Пулңаватна ол. Отпуск порайна па хонты каникулат



Хор: Вера Лонгортова

пинтщалат муң аратэдна Пеляжье послна лайты курту педа манлу. Щит ийикем соңат рот курт, лув тата йис тэдна осат, калаң энмалтсат. Ма ротам курт ищи талта сэңк хувн ант ол, Тэмсылыки ёхан педа лоңты тахайна, олты хуват велпасламан па худ велман осу. Итта щита нэматыйт ант ол, мета маса карра хат волат хыщсат, щит холна вул ацем амтыдыйм хатат осат.

Нявремдам щиты энмалдалдам, хоты муң энмалтсаюв. Ай тэдна хат дыпи ропата верта онталдам. Ясаңна лавта сымал, верна эттада масл, нявремат топ щит порайна ондалат, хонты муң этталэв. Мин вет эвеман, йик

антам, щиты – Сания ацел элты худ велты тахайна сэңк ямас нятас, итта худ велта ки манл, талты юхы ант йил. Мотораң па ланц хапна яңхта веритл. Итта Мила лув пелэл вантман ищи халап вантал, худ дарпатл», – Светлана Рокина лавас.

Касц тал Красноселькупна Амэт хатл елпийн «БЕРА» премия мала. Тунял Светлана Тимофеевна мет омащ амы нэм сытас.

«БЕРА» премия – щит щимащ амэт пушци, хой анта топ лув нявремдал ораңна мет волаң нэцху, па нэцхэт элты па нятта, мур кутна мет ям пелак эвалт лувел эттада.

Ветеринарной даращатна масайт

Приуральской мувна касдыман яңхты нэцхэт паргонна йилаптан понам ветеринарной даращатна масайт. Итта щит вет хаттэл. Камантсы ладат сус щимащ даращат калаңаң нэцхэт элты артты ораңна муң региону хуват государственной вай леккар хатат хуват китлайт.

Партонаң даращат ораңна ох сохаттата ант маста питл. Тампус 1600 комплект маты вер ол: 900 молтас хой мули тунял мийдыса па 600 молтас йилаптан лэщатам даращ – хой холна щимащ мера ант вуйдыс. Ветеринарной даращат хоца антимиicrobial па



Хор: Вера Лонгортова

солвай велты партонат, нюдам ёвартты щипканат па ропытты пормасат лоңсат.

«Луңан калаңат ар пелак «копытка» эвалт сокащдат. Касалтэв порайна хув ёс манман топайдал сэңк нюлмаңи йилат, щит юпина нох пувладат. Аптечка ант таймев порайна щидуна номассу, хоты лечитта, итта па аса ясан илшина ол», – Леонид Лаптандер лавас.

Калаңаң нэцхэт лавты ясаңна, щимащ мера сэңк ямас нятл. Щита авкайт ораңна витаминат понман олат. Щимащ партонат калаңат элты товына па сусн мата маслат.

Щит пилотной проект алңищ туты ораңна калаңаң нэцхэт Ямал мув губернатор луңан лув пилыдална уйтантымална вахсат, лув камантсы задача верта нятл. Мет алаң, калаңат элты ищи курмат нятта рахал, щит онтасна авкайт ант халлат, тащ энмал. Кимет, щимащ аптечка ар пелак щирдал тащат савиман тайты калаңаң нэцхэт элты мадайт, хой сэңк такан вакцинация манты порайна нятл. Холмет, вай леккар хататат ивейна паргон тайта питлат.

Хон мув вуйман Ямал мувна мет вул тащ савида – 620 щёрс, лув эвалтыдал 60% частникат хоца ол. Касц тал муң региону хуват кат щёрс молтас нёха нэцхэт ораңна лэщатла.

«Касалты хаттэл» касты хара кимет тахайна этсат

Надым васна калаңаң нэцхэт ХХІХ-мет Ямал мув Губернатор Кубок касты хар манас. Лорвош эвалт тампус Роман па Светлана, холам йикан Ефим, Дмитрий, Григорий Лонгортоват хаттэл яңхас. «Касалты хаттэл» касты хара кимет тахайна этсат.

Лонгортоват хаттэл элты нятта рут хоятлал яңхсат. Холам номинация хоца кассат, щита лув пормасат, хаттэл масайт па шимлаң мир йинтам сохат эттысат. Лавалсэл хоты Роман па Светлана хаттэл сэмна питас. Шимлаң мир дытытаң пасан амтыдысат па ныңат охал эттысат.

Касты хара ныңат охлэл сансна ант хыщас, майң нэцхэт элты сэңк самна лоңас па щитна приз зрительских симпатий

номинация сытас. Ныңат охал эттыда Светлана вул апэл нятас – Валентина Рохтымова.

Нийл талды йис хоты Светлана па Роман яха олта пит-

ман. Лын вутн касдыман яңхлаңан, «Мужевской» сельхозпредприятие нидмет бригадая ропытлаңан.



Хор: Вера Лонгортова

Югра мув вулэң ёх кассат

Ай кер тыдац 1-метан Ёмвошн А.В. Филипенко нэмпи дохн хататдыгы харн округ вулэң ёх касаспа ус. Тый арсыр куртат элты 29 вулэң ёх ёхатсат. Касаспа сыс вулэң икет альсат, муй щирн арсырн вулы ухалн сора яңхты, тынщаң ёвалты па па верат верты хошлат. Имет ванлтасат, муй щирн юх сэвартты, ухда понты па сора туты хошлат.

Югра мув куца ху Руслан Николаевич Кухарук вуца верман ястас:

– 2025-мет тал – Югра мувевн «Год исторического наследия» нэмн понтсэв. Там талн щит округевн яңмет вулэң ёх касаспа – йис тэлн Югра мувевн шоши мир вулы тац давалдат. Щи йис вер давалты ураңан муңева, округ куцаята, иса муй верты мосл, лудн там лаварт рупата еша кеншака ат йис, муңева вулэң ёха такан нётты мосл.

Тамхатл А.В. Филипенко нэмпи тахая ар мир ёхтас. Тата вулы ухалн касты хар тумпийн арсыр харат рупитсат – щит нымалдан па пошканаң сора хухалты касаспа, па тахаятан тынасты харат лэчатман усат – вошаң па мойң арсыр хулат, вулы нёхет, вонца-



Хор: vk.com/kuharuk_ruslan

мотат, толхат, пуркайт, хорамаң хошам луматсохат, ханшаң вайт, шоши мир ёнтотат па па отат лутты верытсат. Мир елпийн «Хатл» нэмпи шоши мир театр ёх, Ямал мув элты волаң арыты нэ Елена Лаптандер, Югра мув уйтаң арыты нэ Вера Кондратьева, «Ёмвош ёх» арыты нэчат, «Тром-Ёван мокут – Тромаганские ребята» па па хоятат етнхот ванлтасат, арысат па яксат.

Арсыр тахайт элты вулэң ёх нюки хотат ванлтасат, мир эплан лэотн лапатсат – нэман арталаты ёх мет ям нюки хот па ям пасан пирысат. Нох питам ёх тынаң мойлапсайт ёша вусат.

Там Югра мув вулэң ёх касаспа ванлтаты ураңан «Югра» нэмпи телеканал хоца трансляция лэчатман ус, щирн иса Россия мувев ёх вантты верытсат.

Талаң хатл вулэң ёх касаспа ус. Щалта оша йис – икет элты мет ям вулэң ху – щит Иван Покачев Сурханл район элты, имет элты Нижневартовской район элты Анастасия Айваседа нох питас. Ынана округ куца ху «Бурани» мойлас. «Приз зрительских симпатий» нэмн маса Людмила Коршунова (Айваседа) Когалым вош элты.

Людмила Шульгина ханшам потар

Мув па йиңк сыстапты хоятат акатлайт

Там вуш элты «Зелёная Арктика» экологической экспедиция волонтерат акатлайт. Щита хус тал элты ветъяң педа вет тал унты хоятат рупитты верытлат. Нумасла 85 хоят рупатая вуты.

Мосты нэпекат рахал «Зелёная Арктика» официальной сайт (<https://greenarctic.ru/>) па ВКонтакте (<https://vk.com/greenarctic>) мохты китты.

Ёх хоятат кат бригадайн хуламхошъяң хоятан питлат «Йиңкилоран» рупитты. Щи тумпийн нэчат па ёхат Юрибей факторияйн рупитты питлат, щалта «Надымский» заказника нийл хоят китла, па Ловецкий пухра «Ненецкий» заповедника вет хоят манал.

Ун кер тыдац питщатыйн нётты хоятат нэчат худлув, щалта Ас нопатты тылащан иудтыя ястадайт.

Аллина Тоярова ханшам потар

Яңхты юшат ил ант лакнапты ураңан

Кашң тал округ доватан ун кер тыдац 15-мет хатл вуш элты Ас нопатты 14-мет хатл унты ун машинайт яңхты ертыдылайт. Ванты, щи порайн донщ долаты, мув хош-машак йиты питыдыйл. Щимащ ун отат ки эсалты, манты кев юшан, долаты тахаятан, мохты ун вусат этты верытлат.

Ущ тыдац 1-мет хатл элты унт дор тыдац 31-мет хатл унты ищи

ант эслыты питлайт, хун руваң хатадан 32 градус молтас питал. Ямал доватан ихощъяң ун машинайт пусмектаты контрольной пунктат пуншман улдат. Лув там юшат хоца улдат: Ноябрьск – Вынгапуровский, ЯНАО питщатыйн – Губкинский, Пурпе – Пуровск, Пуровск – Коротчаево, Коротчаево – Новый Уренгой, Правохеттинский – Надым па Лапатнаңк – Харп.

Ядап луңтап эталтаса

Хашам лапатан Горка вош луңтап хотан «И было Слово» ядап нэпек эталтаса. Раиса Вокуева-Белорукова ар юр па номас щи луңтапа понас, хота потар манал Кушават курт Турам хот элты. Хоятат улапса элты ищи щита ханшман ул. Хоты сахат муң ун аңкилув, ун ацилув репрессияята питсат. Хой верытас, дыдал сайлас, хой ант верытас, холты педа туса.

Кашң куртаң хоят верытал нэпек луңатты хота доңтыты па щи нэпек ёша паятты. Щилта, хой лаңхал, улам верат элты аршак уятыты питал, нопсал вещькатал. Ма нумастэман, тамащ потрат, хота муң улты мувев элты ханшман ул, аршак луңатты мосал. Щи порайн, муң елды улты хатлэв путлад па ойнашака, ошадшака йил.

Аллина Тоярова ханшам потарқан

ОБЪЯВЛЕНИЕ

СЛУЖБА ПО КОНТРАКТУ В ВС РФ

ПОЛНАЯ ИНФОРМАЦИЯ ПО ТЕЛЕФОНУ

8(902)81-6-11-90

ЗВОНОК ПО РОССИИ БЕСПЛАТНО

ВРЕМЯ ДЛЯ ВАЖНЫХ РЕШЕНИЙ!

КОНТРАКТНАЯ СЛУЖБА

6 200 000 Р

ЕДИНОВРЕМЕННАЯ ВЫПЛАТА

3 500 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

Прибывающим с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

ОБУЧЕНИЯ:

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

3 100 000 Р
ЕДИНОВРЕМЕННО ОТ РЕГИОНА
ДО 120 000 Р
СЕРТИФИКАТ НА РЕАБИЛИТАЦИЮ

400 000 Р
МИНИСТЕРСТВО ОБОРОНЫ
ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ
ОТ 210 Т. Р

СЕРЖАНТ
ОТ 232 Т. Р

ПРАПОРЩИК
ОТ 292 Т. Р



Хоты Тови нэңие Тал ими воштасды

Йи куртыенан эвие ус, нэмал Татъя. Кашң хатл хот рупатайлац верты юпийн, ишни пуңда омасман ёнтасас. Порайн кимды педа аңкармийд па ястал:

– Хун тови ёхатал, каман хошма йил, сойм йиңкат лурьман илды педа овты питлат, щанька лант руватлам па щипки хорат шарьтлам. Пилнэңдам пилан курт сыл тая Тови вохты яңхлуд. Лув ёнтты сыйлуд худал па муң куртэва ёхатал.

Татъя щи лавласал, щи лавласал, туп Тови щах ант тэрматийд. Тал ими па ант манал. Ищкең Аки кашң хатл тарм ищкийн лалал, ёшат-курал поталтал. Хоты нэрыты, амуй щирн Тови тэрматты?

Татъя номасан ёхатса, Тови каншты ещад манты. Луматлдыйс па ел шушмас.

Ун рэп лоңда ёхтас, пац тахая опсас па арыты питас:

Найие, найие, вурты найие,
Рэп сай элты эта,
Хошмен мува тува!

Рэп шанш пелак элты Найие хутламтас, Татъя лувел инщасладды:

– Найие, ханам нэңен ант вантсэң, хуван шушал, ванан шушал?

Найие ястал:


– Анта, Тови ханам нэңем ма ант вантсэм, туп пирац Тал ими ещад питыдыйс. Щикем ликаң, венш сохал нови-нови. Шаншвуралдан ун хир адман сора хухдас. Хирал потам руван тэл тэвалмал. Кутан щутцаты дойдыталан, ищки рув мува парңалтыман ешащад. Идампа Тови элты хонтас. Хухалтал элты куралдан тахрамтас па ларьман сойм курама ракнас. Ад ин щита ханятыман омасал. Щи ураңан щи нын мув сыланан ищки.

Тови вер ант уятал. Юва ма

юпеман. Восты унт кашалатэнан, тохи мана, щита Тови ханам нэңем канши. Лувел нын мувлана вохи.

Татъя елды Тови каншты манас. Холта турам хуват Найие манал, лув лув юпелан шушал. Хув шушас, ван шушас, имолтыйн восты унт кашалас.

Унта лоңас, шушилдыйс, шушилдыйс па хол тапас. Щипки арэтан палдал лап мантсайт, унт педнятан лаңкардал щах порсайт, юх лэпсатан, варсатан курдал-ёшдал пелсайт, ертан охсохдал лостасайт. Щах метас. Туп аңкал юх элты омасты



ищкийн муңев пацтапталды, ёхан еңкат такан каталдалды.

Татъя тур сыйл Товийн худса. Сорни томан эдпа ус па Тал ими каншты керлас.

Туп Тал ими щах ант кашащас пуңда манты. Ил ерщас, ел ант па хатал. Донщаң вотасан пудыйл, аплакатан юшат лап портасды.

Тови емаң хотаң нэңие пирац имел элты ант падал. Йи пелак тохалан вощемас – лонцат йиңка доласат, кимет тохдал тувемас, потам рув хошма йис. Тарм ищкет муйкем верьтлат, Тови элты хухалдат.

Тал ими хол ликащас. Ищкең Аки Вотас пилан Тови хоща китладды. Увал:

– Сэмдал ким карадан, еңка потлалан, ёшдал-курдал щащды ат питлат.

Туп Тови нэңие ликаң пирац ими элты ищи па ант падал. Уятал, лув порайл ёхтас. Няхмаң веншан аңкармийс, сорнең тохдал тувемасды, тураман хошам Най этас. Кашң хатл юраңа ювман, хошмал мува пошамал. Ищкең Аки Вотас пилан хошам элты йиңк рува доласқан па щах сорсаңан.

Тал ими хонтаман щи хухдас, щи хухдас, щах метас. Кев вур лоңда нох хуңхас, монет кутан еңк хотатан ил ханемас. Товийн уса па щита лап томантса. Папуш унты щита ат омасал.

Щиты Тови нэңие пирац Тал иньимел воштасды!

Татъя улты куртала ёхтас. Тови нэңиел нэш, лув елпелан тохи ёхтамтымал. Хоятата хошам найң хатлат мойдамал, сыйң соймие, ваншең харат, лыптаң юхат хаймал. Щи.

Зоя Куртямова
толмащсалды



утщийс, вантал, нови хотаң манал. Яма ныда, тохалдал – илта щелох карты иты волилат, нум пелакдал сорнең тут иты вордылат. Турам хуват манал, тохалдалан хошам тул. Лув юпелан восты торнат, ваншет энамты питцалат. Ханшаң лыптат турам педа таласлат.

Щи хотаң Товия ус. Лэпат ваншийн мувал лаңксалды, ай соймие ун ёхана акатсалды. Тови нэңал вохман, Татъя такан увты питас:

– Тови нэңие, муңев мосты ханам нэңие! Улты мувева ёхта, пирац Тал ими вошты. Пирац лукар ими ант манал, щиты щи

Наң урценна хатлэв хутдас

Ай кер тыдась нийлмет хатадан хон мувев хуват нэчат емаң хатл постада. Тови хатадан сама мосты кашц ханты нэча, аңкия, ун аңкия, эвия, опия, хидья мет хошам мойдапса ясаң китлув.

Там лопасан самаң, вешкат нэчат хорат понлув па Евдокия Даниловна Каксина ханшам луңтар нынана постадув.



Имет хатл

Ай кер тыдась 8-мет хатл Иса имет емаң хатл.
Хатл няхман нэман дарыйл,
Хошам рув имета мойдыйл.
Хатл ёшал тувемилды,
Муv-Аңкиел хошмалдалды.

Ешак сорни, тынаң нэчат!
Нын патэна хатлэв хутдас.
Няхаң веншан нын удаты,
Саман хошам рув таяты.
Эвет, похат энмалтаты
Па хув нупат нын удаты.



Альбина Тырлина лэчатсалды

Хор: Альбина Тырлина

Газета
«ЛУХ АВТ»
Адрес редакции:
629003, ЯНАО,
г.Салехард,
мкр. Богдана Кнуянца,
д.1, каб.106
(34922) 4-68-63
E-mail:
luh.avt@yamal-media.ru

Учредитель
Департамент внутренней политики
Ямало-Ненецкого автономного округа
(629008, ЯНАО, г.Салехард, пр-кт Молодёжи,
д.9, каб.708)

Газета зарегистрирована
Управлением федеральной службы по надзору
в сфере связи, информационных технологий
и массовых коммуникаций по Тюменской
области, ХМАО-Югре и ЯНАО
19 апреля 2012 года
Регистрационный ПИ № ТУ72-00558

Тираж 1300 Заказ 0239
Подписные индексы:
на год – ПА700, на полугодие – ПР561

№ 10 (1261)
Газета вышла в свет 8 марта 2025г.
Подписано в печать 6 марта 2025г.
по графику: 16.00
фактически: 16.00
Газета выходит по субботам

Цена годовой подписки 88 руб.,
в розницу не распространяется

Издатель
Департамент внутренней политики ЯНАО
(629008, ЯНАО, г.Салехард,
пр-кт Молодёжи, д.9, каб.708)

Отпечатано в АНО «Ямал-Медиа»
Юридический адрес: 629003, Ямало-
Ненецкий автономный округ, г. Салехард,
мкр. Богдана Кнуянца, д.1, каб.106
Фактический адрес: 629007, Ямало-
Ненецкий автономный округ, г. Салехард,
ул. Чубынина, д.39А

Генеральный директор
АНО «Ямал-Медиа»
Зулинова
Марья Андреевна

Главный редактор
Яковлева
Алина Кирилловна